

IV, 434

Zc
6133 a
R. 62



AD. VIRUM.
 NOBILISSIMUM. AMPLISSIMUM. ATQUE
 FCTISSIMUM
D. JO. BURCHARDUM.
MENCKENIUM.
 HISTORIARUM. P. P. ET. ACADEMIÆ.
 LIPSIENSIS. h. t.
 R E C T O R E M.
 BEATI. PARENTIS. SUI.
 V I R I.
 SUMME. REVERENDI. ATQUE. EXCELLENTISSIMI.
 D O M I N I.
OTTONIS. MENCKENII.
 S. S. THEOL. LICENTIATI.
 MORALIUM. PROFESSORIS. PUBLICI. CELEBERRIMI.
 DECEMVIRI. COLL. MAJ. PRINCIPUM.
 COLLEGIATI. &c.
 M E M O R I A M
 DIE. EJUS. EMORTUALI. IV. KAL. FEBR. A. d. d. c. c. v. i. i. i.
 SOLEMNI. ORATIONE. RECOLENTEM.
ACTA. ERUDITORUM.
 INTERPRETE
 M. LUDOVICO. CHRISTIANO. CRELLIO.

L I P S I E,
 LITERIS. FLEISCHERL JUNIORIS.

h 29 FO 226 X

Zc 6133 a R





CHARACTER. B. MENCKENII. E. PLINIO.
EPIST. LIB. I. EPIST. XXII.

ARISTONEM.

SINGULARITER. ET. MIROR. ET. DILIGO.
NIHIL. EST. ILLO. GRATIUS.
SANCTIUS. DOCTIUSQUE
UT. MIHI. NON. UNUS. HOMO.
SED. LITERÆ. IPSÆ. OMNESQUE. BONÆ. ARTES.
IN. UNO. HOMINE. SUMMUM. PERICULUM. ADIRE. VIDEANTUR.
QUAM. PERITUS. ILLE. JURIS. PUBLICI?
QUANTUM. EXEMPLORUM.
QUANTUM. RERUM.
QUANTUM. ANTIQUITATIS. TENET?
NIHIL. EST. QUOD. DISCERE. VELIS.
QUOD. ILLE. DOCERE. NON. POSSIT.
MIHI. CERTE.
QUOTIES. ALIQUID. ABDITUM. QUÆRO.
ILLE. THESAURUS. EST.
QUANTA. SERMONIBUS. EJUS. FIDES?
QUANTA. AUCTORITAS?
QUAM. PRESSA. ET. DECORA. CUNCTATIO?
QUID. EST. QUOD. NON. STATIM. SCIAT?
ET. TAMEN. PLERUMQUE. HÆSITAT:
DUBITAT. DIVERSITATE. RATIONUM:
QUAS. ACRI. MAGNOQUE. JUDICIO.
AB. ORIGINE. CAUSISQUE. PRIMIS. REPETIT.
DISCERNIT. EXPENDIT.
ORNAT. HÆC. MAGNITUDO. ANIMI.
QUÆ. NIHIL. AD. OSTENTATIONEM.
OMNIA. AD. CONSCIENTIAM. REFERT:
RECTEQUE. FACTI
NON. EX. POPULI. SERMONE. MERCEDEM.
SED. EX. FACTO. PETIT.
IN. SUMMA.
NON. FACILE. QUIS. QUENQUAM. EX. ISTIS.
QUI. SAPIENTIÆ. STUDIUM. HABITUM. CORPORIS. PRÆ. SE. FERUNT.
HUIC. VIRO. COMPARARIT.



*I*ustitia nunc igitur redeunt solemnia nobis:
Mimera MENCCKENIO perfoluenda PATRI.
Manibus ergo piis Natus cum laude Parentis
Inferius cineri fert, sua vota, sacro.
Scilicet hoc pietas, hoc pacta, fidesque volebant:
Illi ut solemnii voce parentet amor.
Facta Viri Fama & nunquam moritura beati
Poscebant meritis hæc monumenta suis.
Tam doctæ seriem doctis pertexere vitæ
Verbis, historiæ nobile pangere opus.
Hoc opus, hoc Tuus est labor, o pie NATE PARENTIS
MENCCKENI; in hoc præstat Te tua Musa piùm.
Esse TUI memorem merito Tibi maxima cura est
Arteque, qua polles, condecorare PATREM.
Condecorare PATREM, quem semper vivere docti
Optant, Musa virum quem vetat ipsa mori.
ACTA vetantique mori DOCTORUM, & scripta virorum,
Quæ cura illius servat ab interitu.
En Tua supremum dum PATRI solvit honorem,
Et caris pietas fert sua thura rogis,
In partes venimus Tibi DOCTORUM ACTA PARENTIS
Ad tumulum, in lacrimas ipsa soluta pius.
Ipsa Tuo meritis obnoxia facta PARENTI:
MENCCKENII doctæ dexteritatis opus.
Illius auspiciis DOCTORUM vivimus ACTA,
Gloria nostra alias vincit Ephemerides.
Fama perennis erit, quamvis rumpantur iniqui,
Non deerit nobis posteritatis amor.
Quam multi nobis DOCTORUM vitam & honores
Debent, quot per nos aurea scripta vigent!
Quæ pars doctrinæ non hic exculta? quis Auctor
Cui non ex ACTIS fama decusque fluat?
Gallia testis erit, testisque Britannia docta,
Hoquius ipse illi, Roquius huicque fuit.
Testis & Italia est claris scriptoribus alma,
Quæque favet doctas terra Batava viris.
Germanique sui testes, doctique Poloni,
Quatenus & libros barbara terra legit.

Seu nos Hesperii, seu quis nos querat Eois
 Terris, nos & Eois norit & Hesperia.
 Non hic naturæ tantum mysteria disces,
 Lector, quasque artes culta Matheſis habet.
 Quæ Tibi cunq̃ue placent DOCTORUM Te ACTA docebunt,
 Ingens doctrinæ campus ubique patet.
 Seu te religio delectat divaque verba,
 Sunt hic, quæ referant dogmata sancta Dei.
 Seu monumenta placent, artes queis Juris & æqui
 Traduntur, sint hic quæ probet ipsa Themis.
 Seu tibi Apollinæ sunt cordi & Pæonis artes,
 Nostra Machaonius fert tibi pagina opes.
 Invenit hic aliquid Medicorum gloria Caus:
 Multa hic cum Celſo docta Galenus habet.
 Invenit hic Sôphie quamplurima: multa Poetæ:
 Græcia quos, & quos terra Latina colit.
 Præcipue hic artesque bonæ, linguæque foventur,
 Humana inde sinum vita habet usque decus.
 Divitiæ ingenii hic regnant, & Pallados artes,
 Et nova doctorum docta reperta virum.
 Quicquid Graja notat, quicquid Romana vetustas,
 Et quæ cuncta modo gens sibi docta parat,
 Ejus victuris congesſerat omnia chartis,
 ACTIS DOCTORUM tradideratque labor.
 Istis innumerus studuit comprehendere gazas,
 Æternum poterant quæ sibi ferre decus.
 O si doctorum tam docto præſide cætus
 Illius auspiciis continuassæt opus!
 Sed nunc ille jacet fato proſperante peremptus:
 O fato dignus candidiore frui.
 Sic moriens eadem, quæ magnus Grotius olim,
 Ut sequitur virus, verba levamen habet. *
 O Decus, o toto memorabile nomen in ævo,
 Dum curæ doctis sunt monumenta viris!
 Eximiis quondam Servator nate libellis,
 Doctorum accumbens gloria prima choro,

* Grotius teste Quistorpio apud Freherum Rostochii in itinere moriens moribundum se identidem his verbis erigebat: Ο σεις ἰατρὸντι μὴ τῶ ἀμαρτυρῶν, quæ verba B. Menckenio continuo in ore erant.

Salve Pieridum tutamen & inclute Princeps,
 Aeternum nobis, o Pater almae, vale!
 Quae doctis olim praestabat Cavius Anglis,
 Bailletus Gallis, Grævius & Batavis,
 Nazariusque Italis, Cimbris Morbofius, illa
 Omnia Tu nobis, MENCKENI, & unus eras.
 O utinam nobis, docto optatissimus orbi
 Vivere adhuc posses; gloria summa fores.
 Quantum consiliis Musas operaque juroares!
 Gauderet studiis quam Philyrea Tuis!
 Sed cadis ac tristi conturbas omnia planctu,
 Qui pretium nobis ingeniumque dabis.
 Ecce Tuo docti terrentur ut indique fato,
 Et pavida feriunt pectora fida manu.
 Lipsia Te, Natusque Tuis, Te Nata peremtum
 Cum Genero Musæ Phœbus & ipse dolent.
 Quid juroat ingenias animum excoluisse per artes,
 Quid juroat in Clario nomen habere Choro!
 Quid Tibi laus docti prodest Polyhistoris æqua,
 DOCTORUM libros quid retulisse juroat?
 I nunc Scripta para, DOCTORUMque ACTA recense:
 Mors etiam doctos obruit atra Viros.
 Protinus ex æquo fatalia fila Sorores
 Abrumpunt: doctus, ceu rudis, ipse perit.
 Nos misera; O cur non vitæ Tibi longior usus
 Obtigit! O Pylios vivere digne dies!
 Speratae pereunt quot in uno finire messes?
 Te clades nimis hæc, natio docta, premit!
 Nempe jaces doctis Mæcenas artibus. Eheu
 Viva ingens Tecum bibliotheca perit!
 Non ita Alexandri dohuisse urbs clara putanda est,
 Perdidit ut libris serinia plena bonis.
 Summibus immensis huic parta volumina quanquam,
 Quadragena ignis millia, triste! vorat.
 Non monumenta magis scriptorum docta gemebat
 Flammiis rapta sibi Pergamus atque Cnidus.
 Threiceis jaculis sevisque objecta Sarissis
 Libros Buda suos haud ita flere potest.

Non Heidelbergæ majora Ablatius aufert,
 Allatjus, Roma, & dat spolia ampla tibi.
 Quam multa in Te uno, Musis spes maxima Nostris
 MENCKI perdidimus, jam querimurque, boni.
 Non levibus, misera heu! jacturis carpimur, uno
 Uno in Te nobis cuncta decora ruunt.
 Hinc solvit merito tristes Elegeia capillos,
 Teque decus nostrum jam sine fine dolet.
 Inde tument fauces singultibus: ora rigantur
 Hinc lacrimis & suspiria multa gemunt.
 Sed quid flere juvat? lacrymæ & prodesse querele
 Quid poterunt? Fatum nœnia nulla movet.
 Ergo quid hæc nobis ingrata revolvimus alto
 Damna animo, his crescit congeriturque dolor.
 Sic erat in fati: Illum quoque perdere, DOCTIS
 Illorumque ACTIS qui fuit ima salus.
 Sed quis perdere eum nos dicat, qui modo cælis
 Succedens voluit vivere rite DEO.
 Molliter ossa cubant: animus letatur in altis,
 Doctrinæ humanæ porro nec ACTA refert.
 Æternum divis junctus miratur & ACTA
 Hic summi viro concinit ore DEI.
 Isthic CELLARI SECKENDORFFIque Statores
 ACTORUM occurrunt, umbraque CARPZOVII.
 O quales quantique viri! quorum omnia secla
 Pro meritis ingens nomen ad astra vebent.
 Nomen ad astra vebent divinum MENCKENIque,
 Permanet hic doctæ gentis & urbis amor.
 Ingenioque suo clarum per secula cana
 DOCTORUM vivet nomen in ore virum.
 Fama viri superat: terraque legentur in omni
 ACTA, vel a sero digna nepote legi.
 Illi hinc partus bonos: hinc gloria plurima venit:
 Illi hinc fama memor per sua regna volat.
 Vivet in his ACTIS vita dignissimus ista,
 Et quasi de tumulo proferet ora parens.
 Grates Musæ ferat: Musæ & solatia præstet,
 MENCKENI & ista Tui sit medicina mali!

Tumodo sume animos condignos laude PARENTIS,
 Et solve in cineres ora diserta PATRIS.
 Purpura purpureos ILLI TUA præstet honores,
 Eloqui vires; quas potes, ergo para!
 Oreque, quo nuper felicia pacta Britannum
 Dixisti, & laudes, ANNA Britanna, Tuas.
 Quo LEOPOLDINA edebas studio atque Poetis,
 Atque aliis doctis fata sinistra viris:
 Hoc ipso patrias duc ad sua sidera laudes,
 Sicque pii nati dulce merere decus.
 Quanta TIBI lingvæ est facundia, confer in illud,
 Ut doceas per TE vivere posse PATREM.
 Prome animos alto nunc pectore: pandite vires
 Pierides: magni porrigite oris opes!
 Commemorate viri dotes, insigniaque ACTA:
 Illius per vos floreat ingenium.
 Hujus non inquam tenuent oblivia famam,
 Sed vivum vigeat tempus in omne decus!
 At erit, hoc miserum, qui nunc fataleque fato
 MENCKENII nobis tempus adesse, putet.
 En solidique jacet, dicat, labor improbus ævi;
 Nam quis Apelleum continuabit opus?
 Deque ACTIS actum est DOCTORUM: illudque verendum
 Heu quondam corpus triste cadaver erit!
 Omine, quisquis es, at multum Tibi falleris isto:
 MENCKENII Natus namque superstes adest.
 Ille superstes adest ACTORUM Adsertor & Autor,
 Funere deque PATRIS nos rapit ille sui.
 Æternumque vigere jubet Spes altera nobis,
 Firmamen doctæ, qua decet, arte rei.
 Continuabit eum PATRIS post fata laborem
 Filius, haud magno mente PARENTE minor.
 O decus, O nostrum columen, doctæque catervæ,
 Emporii RECTOR, nunc Philyrea, Tui.
 Huc ades & serva Nos, Te nunc vindice nobis
 Est opus. O, quod agis, nunc tueare PATREM!
 TU modo, TU vigeas, Per TE Sic ACTA vigemus,
 TU te PARENS nobis alter & Auctor eris.

18
Eja, age DOCTORUM doctas Tibi porro Virorum
Junge operas, nobis hinc decus omne venit.
Schmidius hic adfit Noster Tibi, Smidius Abbas
Helmstadio, quod vult, Te Kochiusque juvent!
Adfint litigijs, Cyprianus nomine & ore
Prisco, Oleariades grande recensque decus.
Löschberum Viteberga soror Tibi candida servet,
Fenâ Buddeus præstet amicus opem.
Wichmanshausiades gazas ferat huc Solymorum,
Wolfius & Gießâ sedulitatis opes.
DOCTORUM ante omnes faveat Leibnizius ACTIS,
Utque olim Pritius, Fabritiusque Tuus.
Gözius & Tilius Juris monumenta reponant,
Griebnerus solita dexteritate juvet!
Abdita naturæ Pauli Secreta revelet,
Eitmüllerus opes optima Hygea Tuas.
Pectora plena Deo referat Pippingius ore,
Schüzius & Pyladæ junctus amore Tibi.
Struvius historiæ doctorum conditor adfit,
Boernerusque parans maxima quæque juvet.
Palladiæ monumenta rei quæ serior ætas
Eruiit, huc referant, quos labor ille juvat.
Docta frequensque Tibi horum turba sit, optime, & ACTIS
Vnam perpetuam conciliare velint.
Tu modo MËNCKIADA vivas, dent Fata salutem,
Dent Tibi, dent nobis, dent patriæque Tuæ.
Vive Tibi, doctas inter, Tua Numina, Musas:
Vive inter libros Pieridasque Tuas.
Vive etiam nobis, serva DOCTORIBUS ACTA
DOCTORUM; hinc famam fer super astra Tuam!
Est Tibi & ingenium, sint & Tua gaudia, amici
Docti, thesaurus, Bibliotheca Tibi est.
Utere temporibus, quorum es nunc munere fretus,
Ecce patent laudi magna Theatra Tuæ.
Utque Tuo docti suspendunt signa tabellas
Doctas, victuro grata Tropea PATRI;
Sic Tua Te doctum non tantum secula norint,
Usque eris in docta Nobilis Historia.

Zc 633a

IV, 434



AD. VIRUM.
NOBILISSIMUM. AMPLISSIMUM. ATQUE
FCTISSIMUM
D. JO. BURCHARDUM.
MENCKENIUM.

HISTORIARUM. P. P. ET. ACADEMIÆ.
LIPSIENSIS. h. t.

RECTOREM.
BEATI. PARENTIS. SUI.

VIRI
SUMME. REVERENDI. ATQUE. EXCELLENTISSIMI.
DOMINI

ONIS. MENCKENII.

S. THEOL. LICENTIATI.
PROFESSORIS. PUBLICI. CELEBERRIMI.
EMVIRI. COLL. MAJ. PRINCIPUM.
COLLEGIATI. &c.

MEMORIAM
S. EMORTUALI. IV. KAL. FEBR. A. d. MCC VIII.
ORATIONE. RECOLENTEM.
TA. ERUDITORUM.

INTERPRETE
DOVICO. CHRISTIANO. CRELLIO.

L I P S I Æ,
LITERIS. FLEISCHERI JUNIORIS.



Zc 633a Th